

1479. In Missis votivis privatis non est dicendus Hymnus Angelicus, nisi fuerit Missa Angelorum, in qua quotidie est recitandus; vel Missa de beata Maria, in qua quolibet Sabbato dici debet, *sacra Rituum cong. 14 Maii 1672.*

1480. Si Moniales non habeant Missale a Romano diversum, sacerdotes in earum ecclesiis celebraturi possunt dicere proprias Missas ipsis Monialibus concessas, *sacra Rituum cong. 27 Augusti 1672. Vide infra n. 1494.*

1481. Clausula posita in brevibus indulgentiarum, scilicet: *Volumus autem, ut si alias Christifidelibus dictam ecclesiam visitantibus, aliqua alia indulgentia perpetua vel ad tempus nondum elapsum duratura concessa fuerit, praesentes litterae nullae sint*, non comprehendit altaria privilegiata pro defunctis, *sacra Rituum cong. 23 Junii 1676. Vide infra n. 1491.*

1482. Quando dicitur oratio *A cunctis vel Ecclesiae*, non est dicenda oratio contra Paganos, vel alia huiusmodi, quia sufficienter una continet quod et altera, *sacra Rituum cong. 16 April. 1688.*

1483. AQUEN. Instante clero Aquen. pro declaratione infrascriptorum dubiorum, videlicet:

1. An attentata concessione recitationis officii SS. Sacramenti quolibet die Jovis non impedito, et excepto tempore adventus, Quadragesimae, et Vigiliarum, clero saeculari diocesis Mantuae, et Status Montisferrati, recitari possit a clero saeculari Aquen., quemadmodum practicatur a clero saeculari Mantuano propter verba decreti praedicti, vel eodem modo et forma quibus ibidem recitatur a saecularibus.

2. An cum regulares varii sint in assignando quolibet mense lectiones 2 et 3 nocturni pro huiusmodi Officio, constet de decreto ejusdem sacrae congregationis, quo utitur PP. Barnabae, quod nimirum lectiones 2 et 3 nocturni semper recitari debeant, prout in die solemnitatis Corporis Christi.

3. An, quando recitatur Officium praedictum, Missa dici debeat prout in solemnitate Corporis Christi, et cum sequentia *Lauda, Sion*, etc., vel ut Missa votiva de SS. Sacramento in fine Missalis; an 2 et 3 oratio dici debeat ut infra Octavam ejusdem solemnitatis, vel 2 et 3 ad libitum.

4. An praedictum Officium recitari possit etiam tempore Adventus, Quadragesimae, et Vigiliarum, prout etiam practicatur, ex ratione quod nullum tempus sit in decreto exceptum; et ratio dubitandi est, quia sic sequeretur quod imposterum ibidem amplius non recitaretur a clero integrum Psalterium per totum annum, nec Officium fer. vi, nec in choro Psalmi Poenitentiales.

Et sacra congreg. respondit: Ad 1 et 4 asserta concessio intelligenda est extra Adventum, Quadragesimam, Quatuor Tempora, et Vigiliis, ac ita tam a Saecularibus, quam a Regularibus servari debet, prout alias decrevit sac. Rit. congreg. sub die 18 Novemb. 1612, et 11 Novemb. 1641; ad 2, affirmative ex decreto pro ord. Min. de Observ. emanato die 12 Julii 1664; ad 3, Missa votiva celebranda est sine sequentia, et cum orationibus temporis congruentibus, ex eodem decreto, et ita censuit, et servari mandavit sac. Rit. cong. hac die 14 Junii 1689.

1484. Si prima Vesperae de S. Martina impeditae fuerint festo duplici, vel Dominica, hymnus proprius Vesperarum uniatur hymno Matutini, et ex duobus fiat unus sub unica conclusione, *sacra Rit. cong. 26 April. 1692.*

Et cum similitum eadem sit ratio, idem videtur dicendum de aliis festivitibus propriis habentibus hymnos, dummodo sint ejusdem metri, et successivas contineant actiones.

1485. Ubi die decima octava Decembris celebratur Officium de Expectatione B. M. V., omittendae sunt ad Laudes antiphonae illae quae occurrunt in illa

feria in proprio tempore, *sacra Rit. cong. 12 Maii 1692.*

1486. Si praedictum festum Expectationis venerit in fer. iv Quatuor Temporum, nec erit dicenda nona lectio in Officio, nec legendum eius evangelium in fine Missae, sed illud S. Joannis: ideoque de feria sola fiat commemo oratio in Officio, et Missa, *sacra Rit. cong. 12 Maii 1692.*

1487. Translato festo S. confessoris ultra sequentem diem, in hymno *Iste Confessor* facienda est mutatio versiculi dicendo: *meruit supremos*, etc., *sacra Rit. cong. 14 Jun. 1692.*

1488. Extenditur ad Ecclesiam universalem festum B. M. V. de Mercede, celebrandum die 24 Septembris sub ritu duplici de praeepto, cum oratione propria ac lectionibus 2 nocturni, *sacra Rituum cong. 18 Febr. 1696.*

1489. Festum Translationis, Ordinationis, Apparitionis, vel Inventionis, quod alicubi celebratur ratione corporis, vel insignis reliquiae, celebrandum est sub ritu semid., nisi sit festum unicum, vel principale, et supposita concessione, si bis celebratur, *sacra Rituum cong. 6 Decembris 1698.*

1490. Regulares, obtenta a locorum ordinariis licentia oretus, vel in scriptis, faciendi solennes processiones extra limites conventuum suae religionis cum statua, aut reliquia alicujus sancti, possunt uti pluviali, licet ejus usus non fuerit expressus in licentia obtenta, *sacra Rituum cong. 21 Mart. 1699.*

1491. Sub generali indulgentiarum suspensione quae fit anno Jubilei, non comprehenduntur altaria privilegiata, nec aliae indulgentiae pro solis defunctis concessae, *sacra Rituum cong. 24 Jan. 1700.*

1492. Officium S. Ubaldi habet orationem propriam, ac tres lectiones 2 nocturni, *sacra Rituum cong. 14 Februar. 1702.*

Ex semid. ad libit. erectum fuit postea ad semidupl. de praeepto.

1493. Conceditur Officium simplex S. Liborii episcopi et confessoris, occurrentis die 25 Julii, cum sola commemoratione in Vesperis, et Laudibus, ac cum oratione, *Da, quæsumus*, ex ejus communi, *sacra Rituum cong. 1 Julii 1702.*

1494. Conceditur omnibus Monialibus ordinis Cisterciensis, quæ utuntur Breviario Romano, ut adaptare possint juxta ritum praedicti Breviarii Romani plura Officia una cum Missis propriis anno proximae praeterito sub die 9 Decembris toti ordini Cisterciensi concessa, eaque sic accommodata faciant typis imprimi, nec non secundum easdem festivitates valeant celebrari facere Missas per capellanos ecclesiis earumdem servitio addictis cum Missali Romano, et juxta illius rubricas, *sacra Rituum cong. 25 Jun. 1705.*

1495. A Dominica Palmarum usque ad Dominicam in Albis inclusive prohibetur Officium cujusvis festi. Item missa votiva, et de Requiem, excepta una solenni praesente cadavere, quæ tamen prohibetur triduo ante, et biduo post Pascha, *sacra Rituum cong. 1704, 25 Aug.*

1496. In expositione vel repositione SS. Sacramenti pro oratione xl Horarum, si occurrat festum 1 vel 2 classis, fer. iv Cinerum, ii, iii, et iv majoris Hebdomadae, aut Dominica privilegiata, debet cantari Missa de Officio occurrente, addita oratione SS. Sacramenti sub una tantum conclusione cum parentis tali officio convenientibus; processio tamen cum paramentis albis, in qua deferitur crux a clerico superpelliceo induto, non vero tunicella; sacra autem imagines, seu reliquiae sanctorum in tali casu non sunt exponendae super altare. Ita SS. D. N. Clemens XI, 1705, 20 Januar.

1497. Nequit addi Alleluia in fine vers. *Panem de caelo*, etc., infra annum in expositione SS. Sacramenti, excepto tempore paschali, et diebus infra Octavam Corporis Christi. Ita SS. D. N. Clemens XI, 1705, 20 Januarii.

1498. Parochi, superiores ecclesiarum saecularium et regularium, sacristae, et alii, ad quos spectat, non permittunt debent quod cadavera ecclesiasticorum saecularium, praesertim sacerdotum, sicut etiam diaconorum, et subdiaconorum, transferantur e propriis domibus ad ecclesias, vel in istis exponantur quocumque alio habitu, sive confraternitatum, sive religionum, sed cum sacris vestibus eorum ordini convenientibus juxta dispositionem Ritualis Romani Tit. de exsequiis. Clemens XI, 1705, 8 Dec. in ejus Bullario particul. p. 2.

1499. Officium S. Vincentii Ferrerii est semiduplex de praeepto cum oratione propria, *sacra Rituum cong. 1706, 6 Mart.* At nunc ex declaratione Benedicti XIII, die 5 Aprilis 1726, est duplex.

1500. Officium S. Hedwigis viduae, nunc habet ritum semiduplex de praeepto, cum oratione propria, *sacra Rituum cong. 1706, 20 Martii.*

1501. Sacrae religioni Hierosolymitanae conceditur ut in navibus magnis, occasione longae navigationis in alto mari contra infideles (quibus navibus rarissime terra attingitur, et sunt magni ponderis, ac firmæ structurae, ut unaquaque sustineat quinquaginta aenea tormenta bellica), celebrari possit Missa eo dumtaxat tempore quo mare est tranquillum, et coelum est serenum, et cum assistentia alterius sacerdotis, seu diaconi, ita ut adesse non possit periculum effusionis sanguinis in dicta celebratione, Clemens XI, in diplomate incip. Exponi nobis, editum 20 Martii 1706, in ejus particul. Bullario, p. 1.

1502. Cum in aliquibus diocesis sint aliqua loca aut conventus in dit. C. C. M., et alia sub dit. aliorum principum, et cum aliqua Officia particularia sint concessa pro dit. tantum C. C. M. et alia ad instantiam aliorum principum pro suis respective statibus, et dominiis, advertant omnes qui tenentur ad recitationem divini Officii, non posse, qui degunt in una dit. (quamvis sint in eadem diocesi) recitare Offic. concess. alteri ditioni ex decreto sacrae Rituum cong. 16 Dec. 1679, ut in rubr. Brev. Seraph. n. 162, 163 et 164. Nam talia Officia non sunt concessa diocesi, ut celebr. in diocesi. (nisi essent concessa ad instantiam episc. talium dioc. pro tota dioc. et cum specificat. Regularium), sed tantum sunt concessa ad instantiam et preces principum pro suis tantum respective statibus et dominiis. Nec valet dicere, talia Officia celebr. in tota diocesi, prout sunt posita in Kalend. diocesis. Nam Regulares non posse uti Kalendario diocetano respondit et declaravit sacra Rituum cong. 20 Martii 1684. Neque valet dicere, privilegia sunt amplianda, quia commutatio etiam amplissima privilegiorum se minime extendit ad Officia sanctorum ex decreto supradicto sacrae Rituum cong. 15 Decembris 1679, et ultim. ex decreto ejusdem sacrae Rituum cong. 1707, 20 Martii.

1503. Festum Immaculae Conceptionis B. M. V. ubique terrarum ab omnibus et singulis utriusque sexus Christifidelibus, sicut alia festa de praeepto, servetur, et celebretur, ac sub praeepto observationis festorum comprehendatur, *sacra Rituum cong. 1708, 28 Januar.*

1504. Extenditur ad Ecclesiam universalem sub ritu semidup. de praeepto Officium S. Pii Papae V, cum oratione, et lectionibus 2 nocturni propriis pro die 5 Maii, *sacra Rituum cong. 1710, 28 Jan.*

1505. Officium S. Agathae V. et M. die 5 Februar. sub ritu semiduplici recitari consuetum, sub ritu duplici in posterum recitetur ab omnibus Christifidelibus qui ad Horas canonicas tenentur, *sacra Rituum cong. 1712, 26 Aug.*

1506. Confirmantur decreta sacrae Rituum cong. super cultu immemorabili S. Liberati de Lauro ord. Min. Reg. Observ. S. Franciscae provinciae Marchiae, *sacra Rituum cong. 1715, 2 Septemb.*

1507. Officium proprium S. Joannis de Deo confessor. ord. Fratrum Hospitalitatis fundatoris extendi-

tur ad Ecclesiam universalem sub ritu semiduplici de praeepto pro die 8 Martii, *sacra Rituum cong. 1714, 21 April.*

1508. Ad pias, enixasque preces Caesaræ Majest. SS. D. N. porrectas, et a Sanctitate Sua ad sacram Rituum cong. remissas, quibus supplicabatur, ut Officia Expectationis Partus, de Mercede, et Patrocinii B. M. V., jam olim pro regnis Hispaniarum ritu duplici maj. concessa, ad omnia regna et dominia praedictæ Caesaræ Majest. subjecta sub eodem ritu duplici majori in iisdem regnis et dominiis recitari, ac Missas respective celebrari posse indulsit, si SS. D. N. visum fuerit die 23 Sept. Facta deinde per me infrascriptum prosecr. de praedictis SS. D. N. relatione, Sanctitas Sua benigne annuit 1774, 18 Nov. F. card. de Abdua pref.

1509. Resolvuntur sequentia dubia sacra Rituum cong. sub die 11 Maii 1715, in Camerinen.

1. An priori collegiatae ecclesiae S. Venantii occasione accessus capitulariter ad ecclesiam cathedralis, et quatenus affirmative,

2. An eidem priori debeat praecedentia ante praepositum, ceterosque canonicos ejusdem cathedralis, tam praesente, quam absente archidiacono, prima dignitate dictæ cathedralis.

3. An idem locus in dicto presbyterio debeat etiam canonicis ejusdem collegiatae, infra locum canonicorum cathedralis, in linea tamen aequali.

4. An et qui locus debeat priori S. Venantii absente archidiacono cathedralis, in processionibus, aliisque actibus, in quibus accedere solet utrumque capitulum: et prior S. Venantii incedit a sinistris archidiaconi ipso praesente et interessente.

5. An archidiaconus habeatur pro praesente quando assistit episcopo celebranti, vel assistentiam praestat eidem in processionibus etiam Sanctissimi Corporis Christi, ita ut prior S. Venantii debeat praecedere praepositum cathedralis.

6. An ministrare naviculam episcopo ponenti thus in thuribulo in collegiata in processionibus, in quibus intervenit capitulum cathedralis, et episcopus non assistit in pontificalibus, spectet ad digniorem ex capitulo cathedralis, vel ad priorem, aliumque digniorem ex capitulo collegiatae.

7. An parochus collegiatae in processionibus in quibus intervenit utrumque capitulum, incedere debeat a sinistris parochi cathedralis etiam cum stola.

Ad 1, negative; ad 2, affirmative praesente archidiacono, negative vero absente; ad 3, negative; ad 4, satis provisum in secundo; ad 5, negative; ad 6, negative quoad primam partem, affirmative quoad secundam; ad 7, affirmative, et amplius in omnibus.

1510. Festum et Officium SS. Rosarii B. M. V. Clemens XI extendit ad Ecclesiam universalem sub ritu duplici majori de praeepto quolibet anno recitandum in prima Dominica Octobris, ut videre est in ejusdem Pontificis bulla, quæ incip. *Cum aliis*, et habetur sub num. 25 in Bullario particulari dicti Pontificis. Ita die 5 Octobris 1716.

1511. A Vig. Pent. usque ad fest. SS. Trinit. inclusive prohibetur quocumque Officium etiam 1 class. Item prohibetur Vol. et de Reg. excepta una solenni praesente cadavere, quæ tamen prohib. triduo seq. ex decr. sacra Rituum cong. 1718, 10 Decemb.

1512. Ex decreto a sacra Rituum cong. emanato die 10 Decemb. 1718, annuente Clemente Papa XI, die 14 ejusd. mensis et anni, in elogio pronuntiato in Martyrologio pro S. Felice confessor. ord. Minor. Capucc. die 21 Maii, addantur hæc verb.: *Et a Clem. XI Pont. Max. solenni ritu sanctorum numero ascriptus est. Item ex supradicto decreto in Martyr. 10 Nov. post lectionem in oppido Milleduno S. Leonis confessoris, etc., immediate legitur — Neapoli in Campania S. Andreae Avellini, etc., ut ibi cum*

hac additione: *Quem miraculis clarum Clemens XI sanctorum Catalogo ascripsit.*

1513. In fer. quinta in Cœna Domini, et Sabb. Sancto, non potest ullo modo, et a quocunque diei Missa privata, ex decret. sacr. Rituum cong. et Clem. XI, die 20 Apr. 1717 ac ejusdem Pontificis vivæ vocis oraculo 8 Aug. 1713, ac ultimo demandato ejusd. 1719.

1514. Confirmata a sacra Rituum cong. sub die 15 Martii proxime præteriti 1721, sententia a reverendiss. archiepisc. Pragen. lata super cultu publico ab immemorabili tempore præstito beato Joanni Nepomuceno olim ecclesiæ metropolitane Pragen. canonico cum subsequente assensu SS. D. N. Innocentii Papæ XII, alpias modo enixasque preces Cæs. Majest. Caroli VI Roman. electi imperatoris, augustissimæ domus Austriæ, serenissimi regis Poloniæ, ac etiam nonnullorum emin. et reverendiss. S. R. E. cardinalium, plurimique archiepiscoporum, episcoporum, aliorumque Germaniæ principum a san. mem. Clemente Papa XI ad sacram Rituum cong. remissas, quibus supplicatum fuit, ut de beato Joanne prædicto Officium et Missam de comm. marty. sub ritu duplici pro regno Bohemiæ, Germaniæ, et statibus hæreditariis augustiss. domus Austriæ, cum facultate etiam collocandi in altari eidem sacro sito in metropolitana ecclesia Pragen. corpus dicti beati, quod usque adhuc sub humo quievit, benigne concedere dignaretur, illasque ab eminent. et rev. D. card. ab Althan relatas, sac. ead. congregatio, instante Ludovico Stayr canonico præfata metropolitana, hujusmodi causæ postulatore, et tam in voce, quam in scriptis R. P. D. Prospero de Lambertinis fidei promotore prius audito, petito Officiū et Missam de comm. mart. sub ritu dupl. pro regno Bohemiæ, sub ritu vero semid. pro tota Germaniā, et statibus hæreditariis augustiss. domus Austriæ singulis annis pro die 16 Maii concedi, prædictumque beati corpus elevari, et intra altaris mensam arbitrio reverendiss. archiepiscopi collocari posse censuit, si SS. D. N. visum fuerit, die 7 Junii 1721. *Factaque deinde per me secret. de prædictis SS. D. N. Innocentio Papæ XIII relatione, Sanctitas sua benigne annuit. Die 25 ejusd. mensis et anni 1721.* Item reperitur in regestis decret. sacr. Rituum cong.

1515. Cum sacra Rituum cong. die 11 Aprilis 1714, annuente etiam san. mem. Clem. Papa XI, Officiū S. Joannis de Deo ordinis fratrum Hospitalitatis fundatoris pro Ecclesia universali sub ritu semid. recitari concesserit; cumque modo ex parte PP. Bernardi Bansi generalis, et Joachim Maggi procuratoris generalis ordinis prædicti pro elevatione ritus a semid. ad dupl. pro universali Ecclesia humillime supplicatum fuerit, sac. ead. Rit. cong. hujusmodi instantiæ benigne annuendo, supradictum Officiū S. Joannis de Deo ab omnibus Christianidelibus, tam sæcularibus, quam regularibus utriusque sexus, qui ad horas canonicas tenentur, sub ritu dupl. in posterum recitari posse censuit, si SS. D. N. visum fuerit. Die 24 Aprilis 1722. *Factaque deinde de prædic. per me secret. SS. D. N. relatione, Sanctitas sua benigne annuit die et anno suprad.*

1516. Ad pias preces Augustissimi Caroli VI Roman. electi imperatoris san. mem. Clementi Papæ XI, nec non serenissimorum Poloniæ regis et Magni Ducis Etruriæ, ac emin. et reverendiss. D. Christiani Augusti card. de Saxonia SS. D. N. Innoc. Papæ XIII porrectas, et a Sanctitate Sua ad sacram Rituum cong. remissas, in eaque per em. et rev. D. card. Salernum relatas, sac. ead. congregatio Rit. benigne indulsit, atque concessit, ut Officiū S. Pauli primi eremite, quod hactenus sub ritu semid. in Ecclesia universali celebratum fuit, in posterum singulis annis die 15 Jan. ipsius festo ab omnibus Christianidelibus, tam sæcularibus, quam

regularibus utriusque sexus, qui ad Horas canonicas tenentur, sub ritu dupl. min. recitari possit, et debeat, si SS. D. N. visum fuerit, 1722, die 15 Jul. *Factaque deinde per me secret. de prædictis SS. D. N. relatione, Sanctitas sua benigne annuit die 18 ejusd. mens. et an.*

1517. Sacra Rituum cong. ad humillimas preces P. F. Francisci de Altamura vice-commissarii generalis ord. Min. Observ. benigne concessit ut Officiū omnium sanctorum dicti ordinis, quod hactenus sub ritu dupl. min. recitatum fuit, in posterum sub ritu dupl. 2 classis cum præfatione, prout in festo S. Francisci, a religiosis præfati ordinis recitari possit, et valeat, sacra Rituum cong. 1722, 22 Augusti.

1518. Episcopi abusus omnes, qui in ecclesiis sæcularibus, aut regularibus, contra præscriptum Cæremonialis episcoporum, et Ritualis Romani, vel rubricas Missalis et Breviarii irrepererint, debent omnino removere; et si adversus ea quæ in dicto Cæremoniali statuta sunt consuetudinem immemorabilem allegari contingat, postquam recognoverint, aut eam non satis probari, aut etiam probatam suffragari, utpote irrationabilem, de jure non posse, executioni eorum quæ in dicto Cæremoniali instituta sunt diligenter incumbere debent, neculla suspensio, aut appellatio admittitur. Innocentius XIII, in constitut. quæ incipit. *Apostolici ministerii* 13 Maii 1723, super Ecclesiastica disciplina confirmata a Benedicto XII, in alia constitutione, quæ incipit: *In supremo*, 25 Septembris 1724. Vide n. 41 et 55.

1519. Calaritana canonizationis beati Salvatoris ab Horta laici professi ord. Min. S. Francisci de Observantia provincie Cathalonie. Confirmata in sacra Rituum cong. die 15 Sept. 1710, sententia per el. mem. cardinalem Urbis vicarium super cultu beato Salvatori ordinis prædicti præstito, sive super casu excepto a decretis san. mem. Urbani Papæ VIII lata, annuente postmodum san. mem. Clemente Papa XI, sub die 29 Jan. 1711. P. F. Bernardinus de Nicea ordinis Min. Observ. Reform. et omnium causarum beatificationum et canonizationum dicti ordinis postulator humiliter sac. Rituum cong. supplicavit, ut in posterum singulis annis 18 Martii die Anniversaria ipsius beati obdormitionis in Domino, non solum universo ordini Min., verum etiam civitati Calaritana, in qua corpus dicti beati veneratur, oppidis S. Columbæ dioc. Gerunden. ubi natus fuit, et Hortæ dioc. Dertusen. a quo idem beatus cognomen sumpsit, illius Officiū sub ritu dupl. et Missam benigne concedere dignaretur. Et sac. ead. Congregatio ad relationem emin. et reverendiss. D. card. Fabroni ponentis tam in scriptis quam in voce, reverendiss. Prospero de Lambertinis archiepiscop. Theodosiæ fidei promotore prius audito, Offic. supradicti beati sub ritu dupl. de comm. et Missam respective juxta petita posse concedi censuit, si SS. D. N. visum fuerit 1724 die 15 Julii. *Factaque deinde per me secret. de prædictis S. D. N. Benedicto Papæ XIII relatione, Sanctitas sua benigne annuit die 31 ejusdem mensis et anni 1724.*

1520. Porrectis nuper san. mem. Innocentio Papæ XIII litteris Casareæ Majest. Carol. VI Roman. elect. imperat. et Elisabethæ imperatricis, nec non sereniss. Poloniæ regis, nonnullorum emin. et reverendiss. S. R. E. cardinalium, plurimique archiepiscoporum, episcop. ac principum, quibus non minus pie, quam enixe supplicatum fuit ut Officiū sanctæ Birgittæ, quod in universali Ecclesia sub ritu semid. et in pluribus regnis sub ritu duplici recitatur, in posterum ad Ecclesiam universalem sub ritu dupl. extendere dignaretur, illisque ad sacram Rituum cong. remissis, in eaque novissime per emin. et reverendiss. D. cardinalem Ptolomæum relatis, sac. ead. congregatio, instante P. Jacobo

Schech prior generalis ordinis Sanctæ Birgittæ in Bavaria, reverendissimoque Prospero de Lambertinis archiepiscopo Theodosiæ fidei promotore etiam audito, censuit, ut singulis annis die 8 Octob. ab omnibus tam sæcularibus, quam regularibus utriusque sexus, qui ad Horas canonicas tenentur, Officiū prædictum sub ritu duplici recitari, et Missa respective celebrari possit, si SS. D. N. visum fuerit, 1724 die 26 Aug. *Et facta per me secret. S. D. N. de prædictis relatione, Sanctitas sua benigne annuit, ejusdem anni 1724 die 2 Septembris.*

1521. Sacra Rituum cong., annuente SS. D. N. Benedicto Papa XIII, benigne indulsit, atque concessit, ut Officiū cum lectionibus 2 noct. propriis, et oratione S. Andreæ Avellini jam pro clericis Regularibus Theatinis die 19 August. 1719 approbatum, in posterum ab omnibus utriusque sexus Christianidelibus tam sæcularibus, quam regularibus, qui ad Horas canonicas tenentur, die 10 Nov. sub ritu semid. recitari, et Missa respective celebrari debeat, 1725, 7 Julii, et ex novissimo decreto sub die 12 Dec. 1761, Officiū hoc erectum est ad ritum dupl. pro Dom. Ven.

1522. Ead. sacra Rituum cong. sub die 7 Julii 1725, ad supplicationem P. procuratoris generalis ord. Min. Conventualium concessit, ut fratres Min. S. Francisci in Officio B. Cunegundis virg. ord. S. R. Claræ possint uti lectionibus 2 noct. et oratione propriis jam sub die 10 Martii proxime præteriti approbatis pro regno Poloniæ, et ducatu Lithuanie.

1523. Ad humillimas preces P. Matthæi de Pareta procuratoris generalis ord. Min. Observ. S. Francisci pro extensione Officii proprii, et Missæ Expectationis partus B. M. V. ad universum suum ordinem sacra Rituum cong. porrectas, atque relatas, sac. ead. congregatio gratiam in similibus factam extendendo petito Officiū singulis annis die 18 Decemb. omnibus Religiosis et Monialibus totius præfati ordinis facultatem recitandi, et Missam respective celebrandi posse concedi censuit, si SS. D. N. visum fuerit, 1723, 18 Aug. *Factaque deinde per me secret. de prædictis SS. D. N. relatione, Sanctitas sua benigne annuit die 25 ejusdem mensis et anni 1725.*

1524. Pro Officio SS. Rosarii B. M. V. habentur lect. 2 noct. propr. et oratio tam pro Officio quam pro Missa ex decret. sacr. Rituum cong. 1726 10 Martii et confirm. a SS. D. N. Benedicto XIII die 19 ejusdem mensis et anni.

1525. Pro dioc. Cremonen. emanavit decr. sacr. Rituum cong. pro Officio et Missa sacra domus Lauretanæ, 1726, 27 April.

1526. Sacra Rituum cong. ad humillimas preces P. procuratoris generalis ord. Capuec. nomine etiam totius religionis, orationem, et lectiones 2 et 3 noct. proprias, nec non Missam S. Felicis Capuec. ab emin. et reverendiss. D. card. Barberino ponente diligenter revisas et correctas, et in sacra Rituum cong. per eminent. et reverendiss. D. card. Ficium loco ejusdem emin. et reverendiss. Barberini absentis relatas approbavit, ut in festo ipsius sancti cum Offic. sub ritu 2 class. ab universo præfato ordine utriusque sexus in posterum recitari ac celebrari possit, benigne concessit, 1726, die 25 Maii.

1527. Sanctissimus dom. nost. Bened. XIII, in Brevis sub datum Romæ die 7 August. 1726, pro beatificatione beate Hyacinthæ de Marescottis virginis Tertii Ordinis, indulsit, ut in terra Vignanelli civitatis Castellani. diocesis, in qua prædicta beata nata est, et in civitate Viterbiensi ubi ejus corpus requiescit, et in universo ordine Sancti Francisci, tam Fratrum quam Monialium, quotannis die anniversaria felicitis Obitus ejusdem beate, seu alia die non impedita illam immediate sequenti, recitetur

Officiū, et Missa celebretur de Virgine non martyre juxta rubricas Breviarii et Missalis Romani, et quantum ad Missas attinet, etiam a sacerdotibus confluentibus. Præterea concessit, ut in prædictis locis et ordine solemnia beatificationis celebrentur cum Officio et Missa sub ritu duplici majori. Deinde die 21 ejusdem mensis approbavit ejusdem orationem propriam, eamque in solenni beatificatione ejusdem beate recitari debere benigne indulsit, atque concessit, 1726, 7 Augusti.

1528. Pro festo beate Ludovicæ Albert. Tertii Ordinis 31 Jan. sanctiss. dom. nost. Bened. Papa XIII, 1725, die 19 Decembris approbavit lection. 2 nocturni et orationem propriam, et in universo ordine S. Francisci eas recitari indulsit, 1726, 19 Decemb.

1529. In Litanis sanctorum pro diversitate functionum et temporum assignatis, et in illis pro commendatione animarum, post nomen S. Joannis Baptiste statim adjungi debet illud S. Josephi dicendo: *S. Joannes Baptista, ora pro nobis; S. Joseph, ora pro nobis; Omnes sancti patriarchæ, etc. Benedictus XIII, 1726, 19 Decemb. in decreto Urbis et Orbis.*

1530. Cum clericus Jo. Baptista Luppi in ordinatione habita die 28 Decembris 1724, prius receperit ordines minores, quam clericus Jo. Franciscus de Rubéis: hic tamen occupaverit digniorem stallum in choro; episcopus nihil voluit definire. Relata ad sacr. Rituum cong. dicta die, proposito dubio, An, et cui competat præcedentia? sacra Rituum cong. ponente eminentissimo domino Georgio Spinula die 15 Febr. 1727, rescripsit; *Competere præcedentiam clerico Jo. Baptiste Luppi.*

1531. Sacra Rituum congregatio concessit, ut ab omnibus religiosis trium ordinum Sancti Francisci, et ab aliis, a quibus ex indulto Sedis Apostolicæ festum sanctorum Jacobi de Marchia et Francisci Solani sub ritu dupl. majoris hactenus celebratum fuit, in posterum, servatis tamen rubricis Breviarii ac Missalis Romani, sub ritu dupl. 2 classis cum Octava celebrari possit, 1727, 6 Aprilis.

1532. Aliud decretum sacra Rituum cong. emanavit die 12 Julii 1729, annuente sanctiss. dom. nost. Benedicto Papa XIII, die 25 ejusdem mensis et anni, quo conceditur Officiū et Missa beati mart. Joannis de Perusio, et Petri de Saxoferrato ordin. Minor. de commun. mart. sub ritu dupl. minor. pro die 29 August. in universa ordin. Minor. religione, et pro civitate ac diocesi Valentina, ubi martyrium prædicti BB. passi fuerunt, ac etiam pro civitate ac diocesi Terulensi ubi ipsorum corpora venerantur, nec non in civitate ac diocesi Perusina, et oppido Saxiferrati, in quibus ortum habuerunt: *Hæc Officio assignata tanquam propria dies 3 Septembris, 1727, 12 Julii.*

1533. Sanctissimus dom. nost. Benedictus Papa XIII, die 28 Julii 1727, benigne indulsit, atque concessit, ut Officiū S. Rosæ virginis Limanæ ordin. Prædicatorum jam pluries pro regnis Hispan. aliisque dominiis, civitatibus et diocesis approbatum, et extensum, in posterum die 30 August. sub ritu dupl. cum oratione, et lection. 2 nocturn. propriis, alias a S. Rituum congreg. approbatus, ab omnibus Christianidelibus utriusque sexus tam sæcularibus, quam regularibus, qui ad Horas canonicas tenentur, recitari possit, et debeat, et ita servari ac in Breviario et Missali Roman. apponi mandavit, 1727, 28 Julii.

1534. In dit. R. et Dom. Sabaudie qualibet feria 6, etiam in Quadragesima, non impedita festo duplici, vel semidupl., fiet Officiū sanctissimæ Sindonis ritu semidupl. ex decreto sanctiss. dom. nost. Benedicti XIII, 1727, 14 Augusti.

1535. Idem sanctiss. dom. nost. die 22 Aug. 1727, indulsit, ut Officiū Septem Dolorum B. M. Virg.

pluribus regnis, dominiis, civitatibus, ac diocesi-
bus jam concessum, in posterum feria 6 post Do-
minic. Passionis ab omnibus Christifidelibus sæcu-
laribus et regularibus, utriusque sexus, qui ad Ho-
ras canonicas tenentur, sub ritu duplici majori
recitari, et Missa respective celebrari possit, et
debeat, servatis in reliquis rubric. Missalis et
Brev. Rom., ac ita in Brev. et Missal. Rom. apponi
mandavit, 1727, 22 Aug.

1536. In cathedrali Novariensi exstat statutum :
*Quod nullus canonicorum admittatur ad fructus
præbendarum, donec fecerit septimanam in suo or-
dine laudatam, nec assignetur alicui canonico præ-
benda aliqua, donec fecerit septimanam laudatam et
approbatam a majori parte capituli in ordine suo.*
Mense Decembris 1693, cum vacassent duo canoni-
catus, fuit de uno provisus canonicus Toriellus,
et de alio canonici Berciochus. Toriellus prius
cepit possessionem; sed alter prius terminavit
suam septimanam, quam laudavit, et approbavit
capitulum, a quo fuit etiam decretum, quod quo ad
honorifica præcederet Toriellus, et quo ad lucrosa
Berciochus. Sunt in dicta cathedrali alie præemi-
nentie debite Antianis, nempe quod celebrare va-
leant, dum recitatur Matutinum in choro; et quod
assumantur ad officia thesaurarii, et procuratoris
de quibus est orta disputatio inter dd. canonicos.
Quare propositis dubiis :

1. An sustineatur resolutio capitularis concedens
Canonico Berciocho manutentionem in quasi pos-
sessione antiquitatis quoad omnia lucrosa, et Ca-
nonico Toriello quoad omnia honorifica.

2. An et qui competant jura præeminentialia no-
viter superventa.

Sac. congr. ponente eminentissimo Pico die 6
Sept. 1727, rescripsit: Ad primum, *Affirmative*; ad
secundum, *Competere Toriello*.

1537. Die 5 Decembris 1727, in Sorana fuerunt
posita sequentia dubia. Primo, an archipresbyter
et canonici ecclesie collegiatae S. Bartholomæi civi-
tatis Soræ intervenire et assistere debeant omni-
bus functionibus pontificalibus ab episcopo celebra-
ndis in ecclesia cathedrali. Secundo, an teneantur in-
tervenire ad processiones publicas et votivas dicte
civitatis. *Sacra Rituum congr. dicta die rescripsit :
Ad utrumque affirmative.*

Die 15 Jan. 1728, fuit propositum dubium : An
decisa sub die 5 Decembris 1716, contra archipre-
sbyterum et canonicos S. Bartholomæi civitatis
Soræ, militent etiam in omnibus contra præpositum
et canonicos ecclesie collegiatae S. Restitutæ
ejusdem civitatis. Fuit rescriptum *Affirmative*. Et
die 24 Januarii 1728, sacra congregatio stetit *In
decisis*. In dicta diocesi sunt constitutiones synoda-
les præcipientes hanc assistentiam, et concurrebat
etiam observantia.

1538. Parochi civitatis Arimini obtinuerunt re-
scriptum ab eminentissimo de Via tunc episcopo,
quod possent in publicis processionibus, in quibus
intervenit capitulum cathedralis, incedere cum stola.
Ad reclamationem capituli fuit propositum dubium :
An in processionibus, in quibus incedunt et præce-
dunt canonici ecclesie cathedralis sine stola, et si-
mul incedunt parochi sub una ejusdem cathedralis
cruce, liceat præfatis parochis deferre stolam, non
obstante rescripto eminentissimi ordinarii, per
quod simile indultum sub die 31 nuper elapsi me-
sis Augusti ipsis fuit concessum, *sacra Rituum
congr. die 24 Januarii 1728, ponente eminentissimo
Origo, rescripsit : Parochos Ecclesie Ariminensis
ferre posse stolam in processionibus generalibus, in
quibus capitulum procedit sacris paramentis indu-
tum.*

1539. Die 20 Mart. 1728, in una Milevitana
fuerunt proposita sequentia dubia :

1. An liceat magistratui et capitaneo virgæ se
introducere, ac respective permanere intus aulam,

seu cubiculum in quo reverendiss. episcopus fun-
ctiones episcopales peracturus recipit capitulum
habitu choralis indutum, ut deinde cum illo se
transferat ad Ecclesiam.

2. Usque ad quem locum præcise pervenire, ac
permanere debeant, donec episcopus, et capitulum
ex eadem aula et cubiculo egrediantur, ut ad eccle-
siam procedant.

3. An magistratui et capitaneo virgæ, postquam
associaverint episcopum usque ad altare SS. Sa-
cramenti, liceat transire per presbyterium ad ef-
fectum prosequendi associationem usque ad locum
baldachini.

4. An eisdem, in functionibus ecclesiasticis uti li-
ceat clava seu mazza honorifica, quam de præsen-
tibus ante se deferri faciunt, tam extra, quam intus
ecclesiam.

5. An eadem clava seu mazza uti valeant in
præfatis functionibus ecclesiasticis, tam præsen-
tibus quam absentibus episcopo et capitulo.

6. An liceat capitulo ejusdem cathedralis, sine
Apostolica Sedis indulto in functionibus ecclesiasti-
cis uti tam extra quam intra ecclesiam clava seu
mazza honorifica, quam de presenti ante se deferri
facit.

Sacra Congregatio die 20 Martii 1728 rescripsit :
Ad eminentissimum ponentem juxta mentem, Mens
est *Affirmative* in omnibus, nisi episcopus aliquam
ingerat difficultatem.

1540. SS. D. N. Benedictus PP. XIII, in bulla
beatificationis servi Dei Joannis de Prado M. ord.
Min. sub die 14 Maii 1728, indulsit, ut in universo
ordine S. Francisci quotannis celebraretur de eodem
Officium cum Missa de com. unius mart. sub ritu
dupl. maj.; sed cum dies propria, quæ est 24 Maii,
impediatur in perpetuum ab Oct. die S. Paschalis,
assignatur dies 31 ejusdem mensis ut prima non
impedita, juxta quod conceditur in eadem bulla, et
Rob. Brev. de Translat. fest., n. 31.

1541. Die 3 Julii 1728, resoluta sunt sequentia
dubia :

1. An magister cæremoniarum capitali ecclesie
S. Antonini Placentie associare valeat dictum ca-
pitulum cum habitu violaceo, et cum gestatione fe-
rulæ in illis processionibus, in quibus intervenit
capitulum cathedralis.

2. In quo loco incedere debeant clerici seminarii
in dictis publicis et solemnibus processionibus.

3. An in Calendario ecclesie Placentie adnotari
debeat tempus, in quo fit mutatio capparum dicto-
rum canonicorum S. Antonini, sicut adnotatur
tempus mutationis capparum dd. canonicorum ca-
thedralis.

4. An canonici dicte ecclesie S. Antonini per-
agere valeant in dicta eorum ecclesia, occasione fu-
nerum Summorum Pontificum, propriorum episco-
porum, aliorumque principum, exsequias solemnes
cum quinque absolutionibus, juxta formam præ-
scriptam in Pontificali Romano, seu potius priva-
tive spectet ad cathedralem.

Sacra Rit. congregatio dicta die, ponente emi-
nentissimo Salerno, rescripsit : *Ad 1, Negative, et
amplius; ad 2, Dilata; ad 3, Negative, et arbitrio
episcopi etiam quoad alias collegiatas; ad 4, Nega-
tive, et amplius.*

Quoad secundum dubium difficultatem ingressit,
quia in processionibus præcedebant ante contrater-
mitates, et regulares, cruces cathedralis, et colle-
giatae S. Antonini, ex quo deducebat capitulum ca-
thedralis clericos seminarii non debere ab ipsa
separari.

1542. SS. D. N. Benedictus XIII, ad humillimas
preces episcopi, capituli, et civium civit. Vercellen-
sis benigne indulsit atque concessit, ut Officium
S. Eusebii ep. Vercellen. et mart. cum lect. 2
noct. propriis ab emin. et reverendiss. D. card.
Papia diligenter revisis, atque correctis, die 16 De-

embr. ab omnibus utriusque sexus Christifidelibus,
qui ad Horas canonicas tenentur, sub ritu semidup.
recitari, et Missa respective celebrari debeat, et
ita in Breviar. et Missali Romano apponi mandavit
1728 die 7 Jul.

1543. Die 5 Augusti 1728, inter capitulum cath-
edralis et capitulum insignis collegiatae S. Venantii
civit. Camerini fuerunt proposita sequentia dubia :

1. An episcopo pontificalia exercenti in ecclesia
S. Venantii debeatur assistentia a dignitatibus et
canonicis ecclesie cathedralis, seu potius a priore
ejusdem collegiatae.

2. Ubi, et quomodo occasione synodi seclere de-
beant canonici et dignitates ecclesie cathedralis,
et prior, et canonici d. collegiatae.

Ad 1, rescriptum fuit, *negative quoad primam
partem, et affirmative quoad secundam*; ad 2, *serve-
tur decretum eminentissimi Casini, nempe quod lo-
cus sessionis in synodo sit extra presbyterium, et
canonici cathedralis stent a dextris episcopi, et
capitulum collegiatae a sinistris.*

Reproposita die 10 Aprilis 1728, sacra congre-
gatio rescripsit : *Inspecis prerogativis competentibus
capitulo dicte collegiatae, quæ in multis gaudet
privilegio cathedralitatis in vim bullæ Pauli III, sa-
cra cong. stetit in decisis.* Referent eminentiss.
Belluga in locum eminentiss. Zondadari ponentis.

1544. Sanctissimus dom. nost. Benedictus XIII,
ad humillimas preces Pat. Fr. Bernardini de Nicea
ordinis Minor. Observant. Reform. Sancti Francisci,
et causarum beatificationum et canonizationum
totius sui ordinis postulatoris, benigne indulsit, at-
que concessit, ut die 28 Sept. festi beati Bernardini
de Feltria ordin. Minor. de Observantia in tota
religione Seraphica, cui nomen dedit, necnon in
civitate Papiensi, in qua sacrum ejus corpus re-
quiescit, et in civitat. Feltrinen., ubi natus fuit,
Officium ipsius de communi confes. non pontificis
sub ritu dupl. et Missa respective celebrari possit
et debeat 1728, die 3 Augusti.

1545. Sanctissimus dom. nost. Benedictus XIII
benigne indulsit, atque concessit, ut Officium sancti
Gregorii Papæ VII, alias a sac. Rituum congreg. die
19 August. 1719, cum lection. 2 nocturni et ora-
tione propriis pro universo ordine Benedictino re-
visum et approbatum, in posterum ab omnibus
Christifidelibus utriusque sexus, tam secularibus
quam regularibus, qui ad Horas canonicas tenentur,
die 25 Maii sub ritu duplici recitari, et Missa res-
pective celebrari debeat, ac ita in Breviar. ac in
Missali Romano apponi mandavit 1728, die 25 Sep-
tembr.

1546. Cum Officium Septem Dolorum beatæ Mariæ
Virginis, Ecclesie universalis jam pro feria 6 post
Dominicam Passionis assignatum, multoties in dicta
feria 6, ob occurrence Officii 2 classis recitari
minime valeat, propterea sanctiss. dom. nost. Be-
nedictus Papa XIII, ob specialem devotionem erga
beatam Mariam Virginem Septem Dolorum, idem
Officium die Sabbati immediate sequenti, non ob-
stante quod dicta die occurrat aliud Officium alte-
rius sancti, dummodo non sit altioris ritus, ab Ec-
clesia universalis in posterum celebrari, et festum
sancti occurrentis juxta rubricas generales trans-
ferri mandavit 1729, 25 Jan.

1547. Sanctissimus dom. nost. Benedictus XIII,
ad humillimas preces reveren. pat. D. Julii Aresii
congregationis Casinensis ordin. Sancti Benedicti
prædicti generalis benigne indulsit, atque concessit,
ut die 16 Februar. Officium sanctæ Scholasticæ
virg. et abbatissæ, ejusdem sancti Benedicti soro-
ris cum lection. 2 nocturni et oratione propriis jam
in universo ordine Benedictino recitari solitum, in
posterum ab omnibus utriusque sexus Christifide-
libus, qui ad Horas canonicas tenentur, sub ritu
dupl. recitari, et Missa respective celebrari debeat,

et ita in Breviar. et Missali Romano apponi man-
davit 1729, die 1 Febr.

1548. Sanctissimus dom. nost. Benedictus XIII,
ad enixas supplicesque preces eminentiss. et reve-
rendiss. dom. card. Accoramboni episcopi Imolen.
benigne concessit, ut die 4 Decemb. Officium san-
cti Petri Chrysologi, episcopi et confessoris, cum
oratione et lectionibus propriis juxta approbationem
a sacra Rituum congreg. sub die 19 Augusti 1617,
pro Ecclesia Imolensi factam, ob omnibus tam sæ-
cularibus quam regularibus utriusque sexus, qui
ad Horas canonicas tenentur, sub ritu duplici, ser-
vatis tamen rubricis Breviarii ac Missalis Romani,
in posterum recitari debeat, et ita in Breviario ac
Missali Rom. apponi mandavit 1729, 20 Februar.

1549. In decreto canonizationis beati Seraphini
de Monte Granario ordinis Minorum Capuccin., san-
ctissimus dom. nost. Benedictus XIII concessit
Officium et Missam ejusdem Beati in toto Seraphico
ordine sancti Francisci pro die 12 Octobris de com-
muni confessoris non pontif. sub ritu duplici 1729,
18 Julii.

1550. In collegiata Murri Vallium habentur con-
ciones in Adventu et Quadragesima : nascitur quæ-
stio, cui debeat prima salutatio faciendæ a con-
cionatore, canonicis, an magistratui. Die 20 Augusti
1729, ab eminentissimo S. Clementis fuit proposi-
tum dubium, an, et cui debeat primo loco. *Sac.
congregat. rescripsit : Salutationem deberi capitulo
primo loco, et amplius.*

1551. Sanctissimus dominus noster Benedictus
XIII, ad humillimas preces Patris Magistri Frat.
Felicis Leonis ordinis Eremitarum Sancti Augustini
procuratoris generalis benigne indulsit, atque con-
cessit, ut officium sancti Joannis a sancto Facundo
cum lectionibus 2 nocturni et oratione propriis, jam
pro universo prædicto ordine eremitarum Sancti
Augustini approbatum, et ad omnia regna, ac do-
minia serenissimo regi catholico subjecta novissime
extensum, in posterum ab omnibus Christifidelibus
utriusque sexus, tam secularibus quam regulari-
bus, qui ad Horas canonicas tenentur, die 12 Junii
sub ritu duplici recitari, et Missa respective cele-
brari debeat, et ita in Breviariis et Missalibus Ro-
manis apponi mandavit 1729, 16 Nov.

*Prædicto Officio, cum dies propria, scilicet 12 Ju-
nii, sit in perpetuum impedita Officio altioris ritus,
assignatur dies 15 Junii.*

1552. De mandato sanctissimi dom. nost. Bene-
dicti Papæ XIII, extensum fuit ad totum Seraphicum
ordinem utriusque sexus Officium beati Fidelis a
Sigmaringa, martyris ordinis Capuccinorum, pro die
24 Aprilis sub ritu duplici majori 1729, 2 Decem-
bris.

1553. Ad humillimas preces Patr. Fr. Josephi
Mariæ ab Eboræ, commissarii generalis in curia
ordinis Minorum Observant. Sancti Francisci san-
ctissimo domino nostro Benedicto Papæ XIII por-
rectas, Sanctitas Sua orationem et lectiones secundi
nocturni proprias, et antiphonas ad *Benedictus* et
ad *Magnificat* approbavit, et in Officio ac Missa
diei Festi Sanctæ Margaritæ de Cortona, tam ab
omnibus religiosis totius ordinis Minor. quam a Mo-
nialibus, et Tertiariis, necnon etiam ab universo
clero seculari et regulari civitatis et diocesis Cor-
ton. sub ritu dupl. 2 classis cum Octava, servatis
tamen Rubricis Breviar. et Missalis Romani, in po-
sterum recitari posse benigne concessit 1730, 6
Febr.

1554. Episcopus Trivicanus consuevit habitare in
terra Castelli, in qua adest ecclesia parochialis cum
numero presbyterorum, quam episcopus refert esse
collegiatam; sed capitulum cathedralis contendit
contrarium, dicens esse mere receptitiam. Quod
comprobat, quia ejus prima dignitas non est reser-
vata; quod secus foret, si esset collegiata, ut notum
est. Sed utrum sit collegiata, pendet hinc in sacra